



# LARRE-GAIN

Sagardotegia



Tel.: 943 55 58 46  
Izabel Santa Cruz Zerain

LARRE-GAIN BASERRIA • EREÑOTZU • HERNANI

# Sagardo onaren esperantzan

Itaundutako sagardogileen iritziz, oso ona izango da aurtengo edaria • Oro har, iaz baino bertako sagar gutxiago erabili dute

## Galderak

1. Nolakoa izango da txotx denboraldiko sagardoa?
2. Aurten bertako sagar gutxiago erabili al da sagardoa egiteko? Zergatik?

...▼



**Jose Antonio Errea**

• Alzoain sagardotegia (Berriozar)

**1.** Bertako sagarrarekin egin dugun sagardoa oso sua-bea atera zaigu eta kanpoko sagarrarekin egin duguna, berriz, garratzagoa. Alde handia dago bertako eta kanpoko sagarrekin egindako sagardoen artean.

Aurtengo sagardoa iazkoa baino ilunxeagoa da, baina zapoz oso antzekoa.

**2.** Nik beti erabiltzen dut sagar kopuru bera, gutxi gorabehera. Aurten sagarrak lehenxeago heldu dira eta horregatik sagardotegia lehena-go ireki dut. Baina ez dut aparteko arazorik izan.

...▼



**Marisa Eizmendi**

• Eizmendi sagardotegia (Hernani)

**1.** Oraindik goiz samar da aurtengo sagardoa nolakoa datorren esateko, nik, gainera, sagardoa berandu egin

dut; baina itxura behintzat oso ona du. Mota askotako sagarrarekin egin dugu, eta aurtengo sagardoak tankera ona du. Hori aurrerago ikusi beharko dugu, sagardoa atzeratua baitator.

Iazkoarekin alderatuz gero, jendeak esaten duenez, aurtengoa hobe dela ematen du, aurtengo lehengaia, sagarra, hobe izan baita.

**2.** Bertako sagarra oso gutxi izan dut. Nik, esate baterako, aurreko urteetan bertako baserrietako sagar asko erabili dut; aurten, aldiz, gutxiago. Abuztua aldera bazurdi sagar asko izango zela, baina oso sagar gutxiarekin gelditu naiz bukaeran, iazkoaren erdiarekin.

Eguraldi beroa egin du eta, ondorioz, sagarra abuztuan heldu, lurrera erori eta usteldu egin da. Sagardoa egiten hasi garenerako ia sagarrak gabe geratu gara. Urria inguruan hasten gara sagardoa egiten eta ordurako sagar ugari usteldu zen.

Pentsa, aurreko urteetan sagarra eskaini diet beste sagardogile batzuei, baina aurten ia eskatu behar izan dut.

...▼



**Juan Joxe Urruzola**

• Elutxeta sagardotegia (Urnieta)

**1.** Aurtengo sagardoa ondo dator. Sagardozale batzuk probaketa egiten dugu eta,

ikusi dugunez, ondo dator. Bera-bera daude, garai honetan behar duen bezala. Kolorez eta zapoz onak izango direla dirudi.

Aurreko urteetakoaren tankerako sagardoa izango da, agian batzuk kargatuxea-goak, ilunagoak. Zaporea oso ona da.

**2.** Sagarra nahiko goiz etorri da, asko erori egin zen, eguraldiagatik. Berez sagar nahikoa genuen, baina asko usteldu egin zen lurrean, eta bertako nahiko sagar gutxi izan dugu. Sagarrondoetan iraun zutenak oso ondo hazi ziren, baina, horixe, asko galdu da eta kanpotik ekarri behar izan dugu.

...▼



**Juan Amallobieta**

• Laka-Erdi sagardotegia (Berriatua)

**1.** Aurtengo sagardoa oso ona dator, bai kolore aldetik, bai zapoz aldetik, hartidura oraindik bukatu gabe badago ere. Kolorea gorrixkagoa du, garai bateko sagardoak bezalakoa. Iazkoa baino gozoagoa eta gorriagoa izango da. Askoz ere konpletoagoa izango da.

14 sagarrondo mota ditut landatuta eta aurten izan dut lehen produkzio indartsu samarra.

**2.** Sagarrarekin ez dut arazorik izan, sagar asko izan dugu.

# SAGARDOTEGIA



## IPARRAGIRRE

### HERNANIKO SAGARDOA

Asteazken, ostegun, ostiral eta larunbatean irekita

OSIÑAGA AUZOA - ☎ 943 55 03 28  
HERNANI




**ZelaiA**  
HERNANIKO SAGARDOA  
Sidra Natural

Cosecha 1998

Tel. 943 556 851 - Fax. 943 550 281  
Bº Martinegi 29  
HERNANI (Gipuzkoa)



Ximon Etxeberria

■ Otsua Enea sagardotegia  
(Hernani)

1- Itxaropen handiak ditugu aurtengo sagardoan. Materiala, lehengaila, polita izan da, eskualde askotakoa; inguruan sagar asko izan dugu.

Oraindik sagardoak berriak daude, aurrerago ikusiko dugu botilan nola bukatzen duten. Oso gustura gaudе, badirudi maila ona izango dutela.

Iazkoaren aldean, hobeia izango dela dirudi.

2- Inguruan ez da sagar eskasirik izan. Bertako sagarraren portzentaia polita erabili dugu sagardoa egiteko. Batez beste, iaz baino bertako sagar gutxiago izan dugu, baina alde nabarmenik gabe. Eguraldi hain lehorra izan ez bagenu, bertako sagar gehiago izango genukeen.

nuen graduazioa altua zela, baina oraindik hartidura bukatu gabe dago oro har, nahiz eta sagardo batzuen ia bukatu den. Gertatzen dena da sagardoaren ezaugarri nagusiak oraindik osatu gabe daudela.

Guk sagardo guztia bertako sagarrarekin egiten dugu, eta sagarrak oso ezaugarri onak zituen. Ikusteko dago sagarraren kalitate ona sagardoan islatuko den.

2- Ez hainbeste. Izan ere, oso ezberdina da sagardoa Gipuzkoan edo Bizkaian egitea. Bizkaian ia sagardo gehiena bertako sagarrarekin egiten dugu, hala araututa dugu.



Antonio Eguzkitza

■ Iparragirre sagardotegia  
(Hernani)

1- Iazkoa baino azukre gutxiago du, zapore ona eta kolorea, berriz, egokia. Oraindik sagardoa bukatu gabe dago, baina tankera ona du.

2- Etxekoa asko galdu zailgu, baina inguruko baserrietatik nahikoa lortu dugu.



Jose Antonio Zamalloa

■ Uxarte sagardotegia  
(Zornotza)

1- Denboraldi hasieran egindako analisisetan ikusi ge-



Gabriel Lizeaga

■ Lizeaga sagardotegia  
(Astigarraga)

1- Aurten sagarrak eman dizkigun aukerak direla medio, orain dela bi edo hiru urteko sagardoaren antzekoa izango da.

Eguraldiaren ondorioz,


aurtengo sagardoak ez du 6 gradu alkohol baino gehiago izango, eta kontsumorako kalitate ona mantentzen du.

Edanerrazak izango dira.

2- Eguraldiak oso eragin desberdina du ingurune bakoitzean. Gorabehera handiak daude sagarra heltzeko zikloan, bai ingurunearen edo lurraldearen arabera, bai

sagar motaren arabera, guztiak ez baitira inolaz ere berdinak.

Guk behintzat ez dugu inolako arazorik izan gure sagarrarekin; alderantziz, inoiz baino sagar gehiago izan dugu, sekula ez bezala. Sagardoa egiteko erabili dugun sagarraren %70 inguru gurea izan da.



LUIS AZANZA

■ EUSKALDUNON EGUNKARIAK Itaundutako sagardogileek itxaropen handia dute aurtengo sagardoan.

